

Vaksdal kommune
Konsul Jebsensgate 16

5722 Dalekvam

Småkraft AS
Postboks 2389, 5824 Bergen

www.smaakraft.no
Org.nr.: NO984 616 155

Dam Trollkjelen, Vaksdal – planar om nedlegging

Vi viser til Småkraft AS sin søknad til NVE, NVE sitt brev til kommunen dat. 15.04.2020 vedr. høyringsuttale, Vaksdal formannskap sin uttale til søknaden og elles det engasjementet/motstanden nedleggingsplanane har medført.

Småkraft AS forstår engasjementet og ynsket om å bevare dammen som ein del av lokalmiljøet i bygda. Vi vil med dette framheve at Småkraft ikkje primært ynskjer at dammen vert fjerna, men å følge intensjonen i vassdragslova med å tilbakeføre vassdraget til opprinneleg tilstand. Ettersom dammen ikkje har nokon hensikt i kraftproduksjonen, er det ikkje naturleg for Småkraft å eiga han i framtida. Krav om utbetring, årleg tilsyn og oppfølging med nødvendige tiltak for å sikre nødvendig stabilitet og tryggleik i flaumsituasjonar medfører kostnader som Småkraft ikkje finn det naturleg å ta.

Vi vil vidare påpeike at eigarar av vassdragsanlegg som ikkje er i bruk, har både rett og plikt til å fjerne anlegget og tilbakeføre vassdraget til så nær opprinneleg situasjon som råd, jfr vassressurslova §41. I flg §42 i same lov, skal det i slike tilfelle vurderast om andre eigarar kan overta anlegget i framtida. Småkraft er såleis trygg på at heimelsgrunnlaget for nedlegging/fjerning er til stades.

Skal dammen bevarast for ettertida slik lokale krefter og Vaksdal formannskap ynskjer, må såleis dammen og ansvaret for han overførast til andre. Småkraft vil difor tilby at dammen og dei tilhøyrande rettar og plikter vert vederlagsfritt overført til Vaksdal kommune. Småkraft vil med ei slik løysing sleppe kostnadene til sjølve rivinga, og er difor villige til å yte ein eingongsstønad til kommunen på opptil kr 1.500.000,- i samband med ei slik overdraging.

Vi vonar at ei slik løysing kan kome i stand slik at lokalsamfunnet får bevart dammen som eit verdsett element i bygda.

Med venleg helsing



Terje Vedeler
Direktør

tlf. 907 26 568
epost: terje.vedeler@smaakraft.no